

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 Su 230559 23 Su  
Zenica, 30.05.2023.godine

Na osnovu člana 31.Zakona o sudovima u Federaciji Bosne i Hercegovine <sup>1</sup> te na osnovu Zakona o plaćama i drugim naknadama sudija i tužilaca u Federaciji Bosne i Hercegovine <sup>2</sup>predsjednica Općinskog suda u Zenici Dženana Brković dana 30.05.2023.godine donosi

### ODLUKU

o korištenju godišnjeg odmora sudija, stručnih saradnika, državnih službenika i namještenika Općinskog suda u Zenici za 2023. godinu

#### I

Ovom odlukom regulišu se kriteriji za određivanje dužine trajanja i načina korištenja godišnjeg odmora sudija i stručnih saradnika, kao i državnih službenika i namještenika Općinskog suda u Zenici, ( u daljem tekstu : uposlenici ).

#### II

Godišnji odmor može se koristiti u dva dijela.

Ako uposlenik koristi godišnji odmor u dijelovima, prvi dio koristi bez prekida u trajanju od najmanje 12 radnih dana u toku kalendarske godine, a drugi dio najkasnije do 30. juna naredne godine, vodeći računa o potrebama službe i iskazanoj potrebi uposlenika. a po prethodnom odobrenju neposrednog rukovodioca i u skladu sa planom korištenja godišnjih odmora usklađenom sa obavezama posla i nesmetanim funkcionisanjem rada suda.

Uposlenik ima pravo koristiti jedan dan godišnjeg odmora kad on to želi, uz obavezu da o tome obavijesti poslodavca najmanje tri dana prije njegovog korištenja.

Izuzetno, ukoliko se ocijeni potrebnim, vrijeme korištenja godišnjih odmora NPF drugačije od prethodno utvrđenog, odredit će se planom korištenja godišnjih odmora, koje će Upravi suda dostaviti predsjednici sudskih odjeljenja.

#### III

U trajanje godišnjeg odmora ne uračunava se vrijeme privremene spriječenosti za rad, vrijeme praznika u koje se ne radi, kao i drugo vrijeme odsustvovanja sa rada koje se radniku priznaje u staž osiguranja.

Uposlenik koji ne iskoristi dio godišnjeg odmora u smislu stava 2. ovog člana, nema pravo prenošenja godišnjeg odmora u narednu godinu.

<sup>1</sup> („Službene novine Federacije Bosne i Hercegovine“, broj:38/05,22/06,63/10,7/13 i 52/14)

<sup>2</sup> (“Službene novine Federacije BiH”, br. 72/2005, 22/2009, 27/2012 - odluka US, 55/2013, 102/2013 - autentično tumačenje, 55/2017 - odluka Ustavnog Suda i 61/2022)

#### IV

Za sačinjavanje plana korištenja godišnjih odmora i rješenja o godišnjim odmorima u skladu sa ovom odlukom zadužen je vd sekretara suda.

Za vrijeme korištenja godišnjeg odmora utvrđuju se obavezne dežure zaposlenika, u skladu sa listama dežura koje su sastavni dio ove odluke.

Sudije sudskih odjeljenja koje nisu određene za prethodni postupak i dežurne sudije prekršajnog odjeljenja će, ukoliko se ukaže potreba, biti pozvani radi postupanja po hitnim predmetima.

#### V

Predsjednica suda, odnosno njena zamjenica zadržavaju pravo da, u slučaju povećanja obima poslova čije obavljanje ne trpi odlaganje, sa godišnjeg odmora povuku određeni broj zaposlenika za obavljanje tih poslova.

Dostaviti :

- 1 x svim uposlenicima suda elektronskim putem
- 1 x Visokom sudskom i tužilačkom vijeću BiH
- 1 x Ministarstvu za pravosuđe i upravu Ze-do kantona
- 1 x Kantonalnom sudu u Zenici
- 1x Kantonalno tužilaštvo u Zenici
- 1 x Su
- 1 x web stranica suda
- 1 x oglasna ploča



PREDSJEDNICA SUDA  
*Dženana Brković*  
Brković Dženana.MA iur.